

1909

年

第

卷

1967

期

第

1979

北洋官報

錄目

宮門抄
上諭

奏議◎民政部奏 監國攝政王翊衛章程△東督徐
奏法律講習所畢災情△晉撫寶奏籌辦滿蒙農工地
習所署△又奏諮議局成績摺△浙撫培奏改設浙江
銀行摺
公摺◎禁煙局札一件△多倫廳詳一件△東明縣稟一
件
文告三則△電報七則△新聞六則
要件◎三諮憲政編查館奏定城鎮鄉地方自治章程
戊申官報目錄

本 日 增 刊 戊 申 官 報 目 錄 一 頁
本 局 第 八 十 七 期 法 政 學 報 已 出

宮門抄

正月初十日 洵貝勒由

西陵回京請

安

召見軍機

洵貝勒遞封奏一件

上諭

正月初十日京電本日閣抄奉

上諭岑春煊奏查明澧州南洲等州廳縣被水受旱請分別蠲緩遞緩錢漕蘆課等項一摺湖南上年秋夏間澧州
等屬湖河泛漲低窪田畝悉被淹沒濱湖隄壩間被沖潰高旱田禾入秋被旱收成均形歉薄若將應徵錢漕蘆
課等項照常徵收民力實有未逮加恩著照所請所有澧州南洲安鄉等州廳縣均著按照被災輕重情形將應
徵錢漕蘆課等項分別蠲緩遞緩以紓民力該撫即將所開詳細數目刊刻謄黃徧行曉諭務使實惠及民毋任
吏胥舞弊用副朝廷軫念民艱之至意餘著照所議辦理該部知道欽此 監國攝政王鈐章 軍機大臣署名

奏議錄要

民政部會奏 監國攝政王出入府第酌派翊衛官員警兵章程摺

奏爲會同具奏請 旨事竊查 監國攝政王出入府第理宜酌派巡警步軍營兵游緝隊隨時翊衛方足以昭慎重當經臣等分飭所屬廳區並兩翼步軍營妥擬章程酌核辦理茲據會同擬訂章程十四條呈核前來臣等詳加查核尙屬妥協謹繕清單恭呈 御覽一俟 命下即由臣部分飭遵行爲此會同具 奏光緒三十四年十二月二十二日奉 旨依議欽此

謹將內外城巡警總廳兩翼步軍營會同擬訂章程十四條繕單恭呈 御覽 計開 凡遇 攝政王代詣

壇

廟致祭行禮巡警應備之事如左

一 攝政王車轎出府第時由巡警廳加派馬巡隊警兵沿途護衛

一 攝政王代詣致祭祭車轎經過地段沿途行人車馬均令暫時迴避

一 護衛 攝政王之官員長警均發給執照以備查驗

一 致祭處所除查驗門照之稽查員外須由本管巡警廳另派員警驗照

一 攝政王代詣致祭經過地段由巡警廳加派長警在道旁檢查護衛車轎過時舉槍致敬凡遇 攝政王出入府第巡警廳應備之事如左

一 攝政王車轎出入由本管巡警廳分派馬巡隊兵十名隨從護衛並與前指揮車馬行人

一 攝政王車轎經過地段沿途行人車馬一律讓避道旁候車轎過乃行

一 攝政王車轎經過時道旁巡警一律舉槍致敬其執持指揮棍者立正行禮

一 隨從護衛之長警均由巡警廳發給執照以備查驗

攝政王府第巡警廳應備之事如左

一 攝政王府第由本管巡警廳專派巡官四員巡長四名巡警四十名常川駐紮守衛

一 府第圍牆以外由該管廳區加派長警分段守望巡邏

一 攝政王車轎出入由兩翼揀派步軍校二員遊緝隊長八名乘馬隨從護衛並與前指揮車馬行人

一 攝政王府第由兩翼專派副尉等官四員遊緝隊兵四十六名常川駐紮守衛

一 所定各條如有未盡之處應隨時增改

東督徐奏法律講習所期滿畢業摺

奏爲開辦法律講習所期滿畢業謹陳大概情形恭摺仰祈 聖鑒事竊查上年臣到任之初卽遵 旨籌設

各級審判檢察廳以改良裁判顧念事體重大人才缺乏若平時無造就之術斯臨事少勝任之才當飭提法司使

吳鈞籌辦法律講習所一處嚴定功課妄定規章專收本省候補及來奉投効人員自同通州縣以下考取正額八

十名旁聽二十名合計學員一百名於是年八月開辦入所授課限定一年畢業以造成裁判人才爲宗旨所訂課程爲 大清律例法學通論憲法民法刑法商法國際公法國際私法民事訴訟法刑事訴訟法裁判構成法監獄學各門卽以該司兼充督辦遴選法部主事張志嘉魏元曠先滿充當監督所有教員均選擇留學日本法政畢業生暨刑名專家分別講授自開所之日起至本年十月止除去年暑假暨補習日期已照章學習期滿在所學員有因曠課犯規隨時開除者實存正額八十名旁聽十一名合共九十一名經該司按照學科分門扁試平日嚴定分數遵照部定高等學堂章程八十分以上爲最優等七十分以上爲優等五十分以上爲及格此次畢業考試合期考月考各分數統核平均計正額八十名得最優等六名優等十六名中等五十八名於本年十一月十九日發給畢業文憑其旁聽官因未及格給予修業文憑自開辦以至畢業計用開辦經費銀一千二百九十九兩九錢七分房租銀六百三十五兩五錢每月額支活支平均計算用銀一千三百三十五兩一錢八分以上各項共用銀二萬三千二百九十八兩四錢八分由該司造具各該學員履歷畢業分數暨報銷等冊呈請奏咨前來經臣等覆加查驗傳見畢業各員均尙諳曉法理堪備使用先後擇尤派赴各審判檢察廳實地練習俾收知行並進之效其開支各款均係按月核准尙屬核實應請准其作正開銷惟將來推廣審判此項人員尙不敷用仍應廣爲造就現在於省城法政學堂添設法律專科業飭該司使會同該堂監督妥商辦理所設講習法律所卽於畢業後停辦以節經費除將各學員履歷分數清冊咨送法部備案外所有奉省法律講習所期滿畢業緣由謹恭摺具陳伏乞 皇上聖鑒訓示謹 奏光緒三十四年十二月二十九日奉 旨該部知道欽此

晉撫寶奏籌辦滿營農工傳習所情形摺

奏爲太原滿營設立農工傳習所謹將籌辦情形恭摺具陳仰祈 聖鑒事竊照上年八月間欽奉 諭旨

飭令查明駐防數目計口授地一面將各項實業教育事宜認真分別籌辦以廣旗丁謀生之計等因欽此奴才當以太原駐防旗丁大率不諳耕作必先設立農工傳習所並附女工廠普授實業教育冀可逐漸收效於上年十一月間將擬辦情形專摺 奏報聲明俟房廠工竣再行具陳恭奉 硃批著卽認真籌辦期收實效欽此奴才

遵經督同太原城守尉挑選年歲合格旗丁一百名延訂教員暫借附近廟宇先行開課授以淺近普通各學以植

其基一面勘定城守尉衙署西偏隙地建設傳習所講堂齋舍男女工廠共房屋一百餘間又於滿營西門外另闢農事試驗場並開水井等項經營數月一律工竣派員逐細勘驗均屬整齊已於本年十一月二十六日率屬行正式開學禮附設女工廠亦於同日開工此度地營造先後布置之大概情形也奴才查現籌旗丁生計莫要於農工實業近日東西各國最重要實業以爲國民各具能力卽爲全國富強之基今滿營傳習所與尋常學堂性質微有不同故其教育之法有內堂功課有場廠實習二者並進乃能明其理而習其事以底於成茲定爲上半年內堂功課授以修身國文算術圖畫體操各普通科學下半年場廠實習農事則授以種植耕耘收穫加肥去蟲諸法工藝則分五金織布紡紗彈壓雕刻木工縫紉皮件草帽敷料其女工廠則令先習刺繡縫紉紡紗織布各事逐漸擴充晉省民風樸樸於工藝素鮮講求且地方瘠苦出產亦復稀少如五金木工皮件紡織等事尙爲民間所習見且日用所資應需料物亦可就地取材苟成一藝卽易於謀生若製造精巧如雕刻刺繡之類小民已不經見然亦姑備一格人之材質各有所宜鉅細精粗均就其性之所近設法課導不能限以一端但有專長則衣食取資終身用之不盡現在各科教習技師均經訂定應需機械亦擇要購備此次開辦奴才已將設立宗旨諄切誥誡務令倍加策勵均能自食其力該旗丁等皆知奮勉仍當督同城守尉細心考察如有應增應減隨時改良以冀仰副 朝廷加惠旗丁規畫久遠之至意現在用款暫行設法籌墊一俟撥定的款再行奏明辦理除分咨查照外所有滿營設立農工傳習所籌辦情形理合恭摺具 奏伏乞

皇上聖鑒訓示謹 奏光緒三十四年十二月二十二日奉 旨該部知道欽此

又奏臚陳籌辦諮議局成績摺

奏爲臚陳籌辦諮議局成績恭摺仰祈 聖鑒事竊晉省諮議局先行設立創辦所經奴才遴委布政使丁寶銓爲總辦延聘在籍翰林院檢討梁善濟爲局長於本年七月間恭摺 奏報在案旋准憲政編查館頒發章程令將現設之創辦所改爲籌辦處當即轉飭遵改一面督率員紳參仿天津成案熟察本省民俗逐一布置計自開創至今已屆六個月據該總辦布政使丁寶銓詳報成績前來奴才查目前籌辦首在選舉議員方可表見但事當草創官民均未諳習現在入手必以講解研究爲始基按照詳報各節如飭令各屬設立自治講習所招集有選舉資格

之人入所講習並將自治淺義編成白話由地方官派員設所宣講俾人人皆知自治模範頒發調查選舉人名表式暨投票規則等項又將開辦以至成立應行事件於何日齊備排定期限清單使各屬有所依據在籌辦處設立研究会邀集同志分期研究俾可綜貫羣情另設自治研究所由各府廳州縣保送品學兼優之紳授以較深之學科以培養議員之知識又恐各屬臨期延誤遴派在籍各紳分任催辦通飭教育各會襄助調查事宜俾可依限舉辦至辦理遇有窒礙之處不得不隨時變通知如直隸廳無屬縣者照章以附近之府爲復選區口外各廳均無所屬距大同朔平兩府又甚寬遠且向由歸綏道管轄察度情形祇能以該管道爲復選區凡此各節皆目前應行預備之事迭據該處詳覆均經奴才先後批飭施行惟小民可與樂成難與圖始現地方風氣未開驟令興辦不獨民間驚爲創見難免推諉疑慮即地方官諸未熟諳亦將無所憑藉此時辦法惟有開民人之知識使其互相講習而發起其自治行政之心思示官吏以準繩俾得有可率循而仍加以不敢不遵之督責庶幾推行無阻進步計日可期各屬選舉均由該處遴派在籍各紳分任催辦獨口外各廳僻處邊荒土客雜居見聞固陋尤少通達時事之士紳選舉更難措手嗣後應辦之事甚多奴才自當隨時督率員紳振作精神力求實效以仰副 朝廷期望立憲諄諄誥誡之至意除將詳細辦法咨送憲政編查館查照外所有籌辦諮議局成績緣由理合恭摺具陳伏乞 皇上聖鑒訓示謹 奏光緒三十四年十二月二十二日奉 旨憲政編查館知道欽此

浙撫增奏擬將官錢局改設浙江銀行摺

奏爲擬將浙江官錢局改設浙江銀行以維財政而利商民恭摺仰祈 聖鑒事竊維舉行新政必以整頓財政爲入手辦法前任撫臣馮汝駢於光緒三十四年四月附片具 奏在浙江省城設立官錢局一所數月以來漸有端緒惟專恃官辦資本無多既虞周轉不靈且恐易滋流弊奴才屢與司道等悉心商酌擬將該官錢局略事變通重加推廣改爲浙江銀行官商合辦爲股份有限公司資本以二百萬兩爲額分作二萬股每股百兩擬籌撥官款一百萬兩再招集商股一百萬兩由官派監督一員監督一切經營事宜另由股東公舉總理協理董事諸員分任厥職俾官商互相維持斯情勢既通庶足以防流弊而垂久遠查度支部釐訂銀行通行則例第十四條官辦行號每省會商埠祇准設立一所此項浙江銀行由省城官錢局改設實止一所與通行則例亦甚相符伏思浙省財政

奇緝早在 聖明洞鑒之中迭奉

明詔預備立憲以九年分期辦起所有應行事件皆將次第舉辦需款

浩煩必至窮於羅掘有此項銀行既可備公家之緩急遇有地方興辦實業創立公司亦得酌量入股以示提倡且可仿照官錢局舊制發行通用銀錢票以利市廛周轉現在浙省貨幣多半墨西哥英洋我國銀元轉須貼水利權外盜國體攸關倘行之既久復易以紙幣則彼僅持一空紙即可操我財政大權此不能不先事預防者也故改設浙江銀行一轉移間而流通國法之樞機與舉行新政之根本皆基於此其餘抵制外幣挽回利權尤非淺鮮除將章程咨部立案外所有擬將浙江官錢局改設銀行緣由是否有當謹恭摺具陳伏乞

皇上聖鑒訓示謹 奏光緒三十四年十二月三十日奉 旨度支部議奏欽此

公牘錄要

直隸禁煙總局札委赴各府廳州縣辦理牌照捐文

為札委事案奉 督憲楊 接准 度支部 奏定推廣牌照捐辦法轉飭前來業經本局擬定簡章十二條詳奉

督憲楊 批詳摺均悉所擬章程尙屬周妥應准試辦仰即遵照辦理並分別移行暨由局通飭各屬一體遵辦如有應行更改之處仍即隨時酌議詳請核定以期盡善善徵等因蒙此所有煙店憑照費應照章按年一繳以示體恤其吸戶牌照仍舊三月一換按季給發惟現遵 度支部定章自宣統元年正月起加收牌照捐無論土膏各舖凡來購者均須驗明牌照每膏一兩加收制錢六十文每土一兩加收制錢四十文少者以此核算多者由此遞加其捐款即由膏土店代收按期彙解嗣後吸戶領取牌照均須確實報明吸煙分量於購煙時一體遵章納捐如再有偷漏朦蔽以多報少及煙店進土出土不報明實數者照章加等罰辦除分行外合亟札委札到該員即便剋期攜帶憑牌照並告示章程赴各府廳州縣會同地方官認真辦理並另查辦各件須按照單開事理詳細查明一併具覆毋負委任切切此札 計粘單 一查各地方官是否於種煙地畝一律嚴禁須出具切結如有不實情甘議處 一查各地方官有無嗜好 一查各吸戶實數不得由地方官任意填寫數目 一查各地方煙膏店有無違悖定章情弊其資本太少者勒令改業 一查各地方戒煙善會有無實效戒斷人數限令按月具報 一發此次膏捐牌照同地方官認真辦理 一將舊存憑牌照一律携回 一催各地方官將三十四年所發牌照數目照費

速令解局以憑造報不可少延

多倫廳阮丞忠極詳林西縣移訂會勘疆界文並批

爲詳請事案准熱河林西縣移開光緒三十四年十月二十日蒙赤峰州憲札開林西縣知悉光緒三十四年九月十三日蒙道憲謝札開札赤峰直隸州知悉光緒三十四年九月初一日蒙 都憲廷 批據林西縣稟蒙旗延不繪送地圖以致轄境無從勒劃請札飭縣屬巴林等三旗迅速繪送并派員繪勘請查核緣由蒙批已據札飭各旗將所轄境內四址道里廣狹遠近詳細繪圖貼說派員賚送該縣即便會同勘劃界限并飭克什克騰旗將其蒙民趕緊遷回以便放墾而免撓越惟此案分札各旗仍應咨明 直隸總督部堂轉飭多倫廳與該縣勒劃界限除咨明外仰熱河道即轉飭該縣遵照移催多倫廳及克什克騰等三旗迅速會同勘劃界限繪圖貼說呈送來轅以憑備案至所請抄發各項章程另行飭遵繳等因蒙此合亟札飭札到該州立即轉飭該縣遵照移催多倫廳及克騰旗地圖迄今尚未送到除移催克什克騰旗迅速將地圖繪齊派員送縣再行訂期會同勘劃界限外擬合移會爲此合移貴廳煩查文內憲札事理希即查照望速施行等因准此卑職查卑廳白岔一帶多屬克什克騰旗地面本係一片荒草自添設白岔巡司以後逐漸開闢煙戶漸多現在爲商務聚處卑廳部定每年額解雜稅銀一萬六千餘兩半多徵自該處若竟劃歸林西縣管轄不特卑廳稅課無出即諸營商務亦爲之牽動關繫實匪淺鮮正擬詳請示遵聞又准林西縣移開爲移催事光緒三十四年十一月十二日蒙赤峰州憲札開林西縣知悉光緒三十四年十月二十八日蒙道憲札開札赤峰直隸州知悉光緒三十四年十月十一日蒙 都憲廷札開札熱河道知悉光緒三十四年十月初二日准 理藩部咨旗籍司案呈據克什克騰扎薩克臺吉旗署印協理臺吉占巴勒札布呈稱本旗蒙民交涉詞訟案件嗣後請仍照前案統歸多倫諾爾撫民同知訊辦等因呈報前來相應抄錄原文咨行貴都統轉飭遵照可也計抄原文等因准此除咨覆并札飭該旗遵照外合亟札飭札到該道即便轉飭林西縣仍遵照前札嗣後遇有命盜詞訟案件均歸該縣辦理一面移催多倫廳及克什克騰等三旗迅速會同勒

劃界限以專責成而免軫輻切特札計抄單一紙等因蒙此合亟札飭札到該州立即轉飭遵照 都憲札飭辦理切特札計稿抄單一紙等因蒙此合亟札飭札到該縣立即遵照 都憲札飭辦理切特札計稿抄單一紙等因蒙此查此案地圖迭經做縣催提總未准克什克騰移送茲奉前因除分移并派墾局差遣李建堂馳赴該旗守提外擬合移催爲此合移貴廳煩查先令文內事理迅速訂明會同勘劃界限案關上憲迭次札催幸勿再延望速切速施行計粘抄單一紙內開克什克騰扎薩克頭等臺吉伯克吉雅署理扎薩克印務協理二等臺吉加三級紀錄一次軍功加二級簡拔中部爲呈請查禁以恤蒙旗安業事竊有本旗佃戶分居四十八牌租種旗地交納租息拾割柴草山價旗分等事向由本旗自行經理於光緒三十四年春間有佃戶張二麻子在山樵得柳柴一萬餘捆未及載賣之先被竊若干經張二麻子尋至佃戶吳兆明家草架內掩藏之被竊柴木五十餘捆如數起獲當經該牌鄰佑人等說合雖應賠補推諉到六月二十日仍抗不償因經張二麻子就近在本旗協理處呈控當即遣旗兵去傳被告吳兆明父子等膽敢不遵差傳聚集棍徒聲稱能打人命不打賊情等語勢頗兇惡并打傷旗兵魏景全時經去差什長臺吉鮑祥雲善言勸求乃吳兆明自知作事有虧推不到案哄將吳兆明之子吳廷選帶案經本旗協理詳細訊明實係伊父吳兆明行竊柴架不諱等供時因噴其行竊後欲行兇實屬可惡當即申斥責押後有奸民吳兆明前往熱河新設巴林墾務局總辦即林西縣試用知縣張文灝在該處捏詞妄控誣良等語該縣竟爲攬訟信聽一面之詞出票來旗傳案本旗并未奉有各憲通飭公文嗣後凡有交涉之事概歸該縣一手經理等文因未將原被交案致該縣動怒於七月十一日親帶兵役并帶劣員董劬義即董小鬼等三十餘名突至本旗溫泉湯公館威嚇應差人等竟將被押人犯吳廷選搶出放走又將看管人什長臺吉鮑祥雲兵林沁魏景全原告張二麻子等鎖帶押解巴林墾務局未分皂白重責大板刑逼著認開賭爾等不敢妄供即行嚴押迄未釋回并有該縣胥役勒索方便小項一百五十吊文伏思被竊事主後弄成行竊之賊矣似此辦法實在偏袒已極將何以服蒙旗而安蒙民殊屬有碍大局現在整頓公務改良善後之際凡事必宜秉公方臻妥善竊查光緒二十九年八月間本旗會奉有前任都統松並各憲札文內稱惟查克什克騰一旗向隸赤峯縣而該旗佃地民人向隸多倫廳距赤甚屬寬遠現在哈達司員既經裁撤而赤峯知縣如遇交涉案件照例過境會審會驗往返需時致曠職守亟宜變通

辦理嗣後克什克騰一旗蒙民交涉事件統歸多倫諾爾撫民同知自行驗訊擬辦以歸簡易各等情飭遵在案茲查總辦巴林墾務局卽林西縣試用知縣張文灝又劣員董小鬼等初來鄰境德惠刁玩威逼良善遇事辦法殊有偏袒不公各情查有確據爲此呈請大部查核速爲嚴行飭禁以安蒙旗而顧大局仍照前札嚴飭各屬將本旗蒙民交涉事件仍歸多倫廳同知自行驗訊擬辦以便願易而免阻窒實爲恩德兩便施行可也等因准此卑職伏查台吉伯克吉雅等所呈理藩部呈詞亦願仍歸卑廳管轄且理藩部業已照准實與該旗輿情卑廳商務兩有裨益移催今林西縣復奉札飭事關疆界卑職未敢擅便除移覆林西縣外擬合具文詳請憲台查核批示祇遵實爲公便爲此備由具呈伏乞照驗施行須至册者

督憲楊 批據詳已悉仰布按兩司迅速核明擬議詳辦繳

東明縣張令聯恩稟遵飭一律禁絕煙苗文並批

敬稟者竊光緒三十四年八月二十四日奉禁煙局札飭轉奉憲台札開以查册報各州縣轄境栽種煙土地畝爲數甚鉅除未報外計已報百餘州縣共有三百九十餘頃之多其不認真勸諭減種不問可知於禁煙前途大有阻碍令卽一律嚴行禁絕明年再有寸草報局查核等因蒙此卷查卑縣自奉禁煙章程以後遵卽於八月間在城鄉各處遍貼告示曉以闔邑人民不得再種罌粟如明春查有種煙地畝定將該地充公照章罰辦並不時卑職親詣各鄉密查或面諭鴉片利害幸卑縣民人尙屬各有天良自諭之後其尙未栽種者原不敢於嚴禁之餘轉有故干功令卽案係種植之戶亦僉稱卽當易樹五穀決不敢再種罌粟旋據城鄉紳民又各報具不敢栽種煙土甘結前來卑職尙恐有陽奉陰違現因罌苗未放尙無實據可憑擬請明年春間再行親詣四鄉嚴密勸查如果再有栽種卽將該種戶嚴行罰辦則是探本窮源而於禁除盡絕之旨與夫憲台爲民造福之意庶不致有負也所有卑職奉札遵辦緣由理合稟請大帥查核再卑縣城鄉設立戒煙處所前經申報在案合併聲明肅此具稟恭請勛安伏乞垂鑒

督憲楊 批據稟已悉仰禁煙局查照飭知仍令隨時嚴密察查毋任再行復種以符禁令繳

文告錄要

督憲批示錄要○廣宗縣心田稟調查選舉由 批據稟已悉仰諮議局籌辦處查照飭知繳○遷安縣劉道春詳
太平寨被燒各戶房間等物併撫恤由 據詳已悉該縣太平寨鎮民人于和不戒於火延焚同鎮居民舖商一
百餘戶時值隆冬嚴寒遭此奇災殊堪憫惻仰布政司仍飭設法撫恤勿任流離失所并移臬司賑撫局知照繳
學台牌示○各學教員年假前早已派定今距開學之期爲日已近所有派定各教員務於日內首先到堂以便屆
時授課免至貽悞

直隸礦政調查局批示○職商孫官雲等稟 批稟悉查此案前奉 農工商部札飭當經本局札行阜平縣詳勘
並一面牌示該商知照在案茲據前情仰俟阜平縣查覆到局照章核辦另檄飭遵此批 職商陳念新稟 批
稟悉查該職商開辦曲陽縣野北村煤礦所請開礦執照並未由局轉發其稟叙畝數是否相符無從查核仰即
將奉發執照呈局查閱再行發還以憑核辦此批

電報錄要

倫敦電○奧京消息曼德尼葛魯國政界近日異常變動親王尼古拉施氏現已辭職繼其任者爲其第二子親王
米爾克氏聞尼古拉施氏辭職後擬往俄京遊歷云

又電○俄政府前提議添造二萬三千噸之大戰艦現定於西三月開工以三年告成聞波羅的海各船廠均添招
工匠以便預備開工云

又電○俄京電云俄國軍界提議組織汽艇隊因該隊比較艦隊費半功倍現俄皇已允許籌辦內債專爲建造汽
艇之費

又電○比利時儲君親王阿洛伯德氏擬於西四月往剛果一遊

又電○義大利與土耳其兩國委員現已在米蘭地方會晤義土兩國商約必能成就矣

東京電○日本駐俄國公使本野氏俟日本野村子爵葬禮舉行後於西二月二號由東京啓程經過大連灣赴任
又電○義國地震日本政府捐洋二十萬元賑濟現義政府特電致謝

新政紀聞

政治

詳准試辦自治研究會○江督端午帥批江南自治局詳文云據詳邳州崔榮甲等所呈自治會簡章多與省局研究所辦法不合茲由該局量為變通飭令照改較為妥洽應准轉飭試辦嗣後各屬所辦研究會其一切規則必須核與省章不背畢業後始准給憑否則作為無效斷不可任令自為風氣致有程度不齊之弊仰即通飭遵照批准設立辦事公所○蘇省吳江縣李大令國琮設立辦事公所議訂章程稟請督院立案奉端午帥批云稟悉地方公款所以籌辦公益本應推舉公正紳輪值經理核實支銷隨時榜示斷不能任聽一二經董把持包攬據為己私來稟於該邑經董積弊抉發無遺具見不避嫌怨所擬公舉新董認真經理辦法亦有步驟應准作為暫時議事規則該令應即督率新董切實辦理無畏攻訐以立異日實行自治之基礎仰蘇州自治局轉飭遵照

民事

咨請鄰省嚴禁種土○江督端午帥准皖撫朱中丞咨以據安徽土藥統稅局畧勸業道童祥熊稟奉飭禁種罌粟皖北宿毫渦陽一帶因見毗連蘇豫兩省端山永城等縣仍多栽種以致互相觀望不肯剷除請嚴飭各該縣遵照部章認真動查實行剷除俾皖民無可藉口等因午帥准咨後業已咨會蘇豫兩撫轉飭州縣一體查禁矣派員清查全省戶籍○粵省辦理編查戶口迭經民政部咨催查辦張制軍以本省調查戶口而各府廳州縣城鎮鄉市尙未一律普設巡警若仍照舊章令各州縣照保甲辦法按戶清查終不免有疏略忽漏之處擬將全省各屬劃分五路各派委員分途切實查辦中路為廣府十四屬西路為肇羅陽高雷欽廉東路為惠潮嘉北路為南韶連南路為瓊崖均由各路道府會同所派委員督率地方官及巡警認真詳查照民政部現頒新表填報已飭行司道籌議詳細辦法詳候核辦矣

實業

准飭購閱農業講義○江蘇上海農業實授所校長陳俊超朱楞等具稟藩轅請予存案並呈閱該校所出講義一册當奉瑞方伯批云來稟及講義閱悉我國自古以農立國學有專門逮於晚近斯學寔失所有農家者流良法美意大率口耳流傳囿於故見且以不識字者居多故未能擇攷土宜發明新理本司實深惜之今該生等創立農業實授所於上海復刊行校外講義以期種植畜牧之學風流布遠近苦心孤詣殊堪嘉許察閱所呈講義語多實踐不託空言以視尋常譯述之本尤有條理仰候札府通飭各屬有志講求者量力購閱以為實業先導該生亦當本其宏願實力研求毋負本司之厚望也

請籌高等蠶學經費○浙省支提學移請藩司力籌高等蠶桑學堂經費略云前奉撫憲札以省城蠶桑學堂改辦

高等預算經費節即會同各司道局設法妥籌定議詳候奏咨立案等因查此項蠶桑學堂經費預算建築房屋添置器具約需洋二萬六千四百元又常年活支約需洋二萬四千四百八十元之鉅苟有可籌之款允宜設法補助惟近來司庫支絀異常京協各餉尙難措解此外辦學經費歲虧三萬餘金正苦無從挹注是項經費實難兼顧除分移運司杭巡道釐餉局會籌覆辦外移會查照等因過司准此查提倡實業乃近今切要之圖蠶桑爲浙省特色現今奏奉諭旨改辦高等蠶桑學堂以期日有進步所需常年經費照該堂監督原呈預算之數年需二萬四千四百餘元除原有萬元外應再添籌一萬五千元又應籌建築開辦費一萬洋二萬六千四百元若非預爲籌定不能早日興辦惟有再行移請貴司於無可設法之中極力籌商或會同各司道局庫酌量會籌總以振興實業以圖將來利權爲要爲此合移貴司希即會同妥籌酌定的款尅日主稿摺銜會同具詳請奏以盡公益

要 件

章程類

憲政編查館奏定城鎮鄉地方自治章程 (三續)

第三節 會議

第四十三條 城鎮鄉議事會會議每季一次以二月五月八月十一月爲會期每會期以十五日爲限限滿議未竣者得由議長宣示展限十日以內其有臨時應議事宜經地方官之通知及城鎮董事會或鄉董之請求或議員全數三分之一以上之請求者均得隨時開會 每屆會議應由城鎮董事會或鄉董將本屆應議事件距開會十日以前通知議事會議員其臨時會議事出倉猝者不在此限

第四十四條 會議時議長如有事故以副議長代理若副議長並有事故由議員中公推臨時議長代理

第四十五條 會議非有議員半數以上到會不得議決

第四十六條 凡議事可否以到會議員過半數之所決爲准若可否同數則取決於議長

第四十七條 會議時城鎮董事會職員或鄉董鄉佐均得到會陳述所見但不列議決之數

第四十八條 凡會議不禁旁聽其議長副議長視爲應行秘密者不在此限

第四十九條 會議事件有關係議長副議長及議員本身或其父母兄弟妻子者該員不得與議 議長副議長

如有前項事由照第四十四條辦理議員半數以上有前項事由因而不能議決者由議長將該件移交府廳州縣議事會或鄰近之城鎮鄉議事會代爲議決

第五十條 會議時議員有不守議事規則者議長得止其發議違者得令退出因而紊亂議場秩序致不能會議者得令暫時停議

第五十一條 旁聽人有不守規則者議長得令其退出

第五十二條 議事規則及旁聽規則由議事會自定之

第五十三條 鄉選民會會議照鄉議事會辦理

第三章 城鎮董事會

第一節 員額及任期

第五十四條 城鎮董事會各設職員如左 總董 一名 董事 一名至三名 名譽董事 四名至十二名

董事以該城鎮議事會議員二十分之一爲額名譽董事以其十分之二爲額

第五十五條 總董以本城鎮選民由該城鎮議事會選舉正陪各一名呈由該管地方官申請督撫遴選任用之

第五十六條 董事以本城鎮選民由該城鎮議事會選舉呈請該管地方官核准任用之

第五十七條 名譽董事以本城鎮選民由該城鎮議事會選任之 第五十五五十六條及本條選舉事宜照另

定選舉章程辦理

第五十八條 總董董事以二年爲任期任滿改選

第五十九條 名譽董事以二年爲任期每年改選半數若同時就任者其半數卽以一年爲任滿 前項一年任

滿之半數照第二十七條第二項辦理

第六十條 總董董事均支領薪水其數目以規約定之名譽董事不支領薪水

第六十一條 董事會職員任滿再被選者均得連任

第六十二條 董事會職員不得同時兼任該議事會議員若有由議員當選者應辭議員之職 父子兄弟不得同時任董事會職員若同時當選者照第二十五條第三項辦理

第六十三條 總董如有事故以董事內年長者代理年同則居本鎮較久者代理若再相同以抽籤定之

第六十四條 總董董事因事出缺及名譽董事因事出缺至逾定額之半者均即補選

第六十五條 補缺各員之任期照第三十二條辦理

第六十六條 城鎮董事會因執行各事有應設各項辦事員時由總董遴選派充不限以選民但須經董事會之公認其細則以規約定之

第六十七條 城鎮董事會得設文牘庶務等員其員額薪水以規約定之 文牘庶務員不限以選民由總董遴選派充或按地方情形即以該議事會文牘庶務員兼充之

第二節 職任權限

第六十八條 城鎮董事會應辦事件如左

一 議事會議員選舉及其議事之準備

二 議事會議決各事之執行

三 以律例章程或地方官示諭委任辦理各事之執行

四 執行方法之議決

第六十九條 董事會於議事會議決事件視為踰越權限或違背律例章程或妨礙公益者得聲明緣由交議事會覆議若議事會堅持不改得移交府廳州縣議事會公斷 不服者照四十一條第二項辦理

第七十條 總董總理董事會一切事件凡董事會公文函件均以總董之名行之

第七十一條 董事及辦事員輔佐總董分任董事會事件

第七十二條 名譽董事參議董事會應行議決事件

(仍未完)

玉牒館王大臣奏在館出力各員遵 旨另覈請獎

摺

湘撫岑奏遵 旨薦舉人才摺

十三日

農工商部侍郎楊奏保瀉南洋華僑人才摺

又奏請將候選道吳梓材破格獎勵片

庫倫辦事大臣延奏庫倫印務處公事日繁請展差員

年限摺

粵督張奏請將賑捐再展限一年摺

湘撫岑奏湘省市面錢少籲懇增鑄銅幣摺

十四日

度支部等會奏遵議新疆茶務公司辦法摺

新撫聯奏新疆創立學務公所請飭部立案摺

十五日

度支部奏造幣廠鑄成一文新錢進呈 御覽摺

又奏各省認籌專使經費查照原數按年解部片

郵傳部奏萍潭鐵路改歸本部管轄摺

又奏擬展築洙昭鐵路片

陝撫恩奏裁撤善後各局歸併財政局摺

十六日

郵傳部奏刊給總辦滬甯鐵路事宜關防摺

又奏派交通銀行稽查片
甘督升等奏遵議整頓西安糧務酌擬章程摺

十七日

陸軍部奏擬訂校閱陸軍章程摺

又奏各省旗軍隊由部奏請 派員校閱片

倉場侍郎桂等奏遵 旨薦舉賢才摺

東督徐等奏駐吉水師營裁缺各員請變通補選片

署東撫吳奏山東賑捐請再展限一年摺

十八日

外務部奏改正地方官接待教士章程摺

吏部尙書陸等奏遵 旨薦舉人才摺

度支部奏遵 旨調查洋七藥電催各該員上緊調

查片

都察院都御史陸等奏遵 旨薦舉人才摺

十九日

禮部奏進 呈總理漢冶萍煤鐵廠礦公司關防印模

摺

學部奏江蘇高等學堂豫科畢業請獎分別准駁摺

署東撫吳衍聖公孔會奏稽查濟南等屬學務摺

二十日

民政部奏調廳員到部當差并分別派署廳缺摺

郵傳部尙書陳奏遵 旨薦舉人才摺

江督端奏改編巡防營隊稍事變通摺

桂撫張奏調修撰駱成驥等辦理法政學堂片

二十一日

慶親王等奏遵 旨薦舉才人摺

民政部奏實行考核各省民政通飭造冊送部摺

直督楊奏酌撥賑銀辦理通州等屬春撫片

護川督趙奏川省砲廠需用經費請立案片

護贛撫沈奏江西方言預備學堂擴充改良摺

二十二日

法部尙書戴等奏薦舉人才摺

郵傳部奏擬議江浙鐵路公司存款章程摺

又奏籌墊滬杭甬借款虧耗辦法片

直督楊奏永定河凌汛安瀾摺

鄂督趙奏粵漢川漢鐵路材料援案奏請免稅片

二十三日

外務部奏遵 旨薦舉賢才摺

農工商部尙書溥等奏遵 旨薦舉人才摺

鄂督趙奏裁撤糧道經費歸公銀兩請免提解摺

二十四日

學部奏續派三等諮議官摺

督辦津浦鐵路大臣呂奏津浦南區路綫取道皖境請飭皖撫會同辦理摺

東督徐等奏鐵山包屯田現已安插竣事摺

豫撫林奏盜犯就地正法章程變通辦理片

二十五日

郵傳部奏議覆川漢鐵路擬請仍遵奏案辦理毋庸派員督辦摺

東督徐等奏續放甘井子段零星夾荒並推放西布特

哈荒地摺

又奏現在出放札賚特蒙旗餘荒大概情形片

又奏請展緩停鑄銅元片

二十七日

順天府奏整頓順屬吏治遴擇賢能調署各缺摺

直督楊奏救護中外失事商船出力各員請獎摺

二十八日

度支部奏遵議印花稅辦法擬請仍照奏定章程試辦摺

又奏遵議南洋紳商捐款興學請獎摺

禮部尙書溥等奏遵 旨薦舉人才摺

二十八日

民政部奏薦舉人才摺

二十八日

民政部奏薦舉人才摺

啓新洋灰有限公司廣告



啓者本公司係承受唐山洋灰公司創設新廠歸併舊有之考廠擴充辦理改名啓新洋灰有限公司稟奉北洋升督憲袁咨准農工商部註冊案上年購到外洋最新式機器全副去臘業已開機所出之灰據四洋化學師造考驗拉力結力俱高出外洋之貨且機器加入出灰足敷王顧購用尙有製造之缸磚洋灰五永購管仔土等項無論躉零交易均可本公司總理處設在天津海人道英租界先農公司對面並於北京烟台上海漢口等埠均設分處藉擴招徠如蒙公司購交貨無不從速至價廉貨高久爲中外紳商所信用不待贅述所有不公司種磚瓦等件尺寸重量式樣及大概用法另刊華洋廣告光願諸君清向木公司索閱價值一切亦可接洽也

武齋洋行

本行開設天津 於茲二十餘年 自運各種洋貨 絨紗布匹調緞 編化屏風鏡額 磁銅料器瑤藍 奇巧美術玩器 日用雜貨俱全 學界文房用品 旋行攜帶等件 精工裝身物料 定織各色氈氍 如蒙官商光顧 價值格外從廉 貨多不能備載 本行隨便入覽 電話一千三百七十四號 天津法租界 武齋洋行謹啓

井上病院廣告

本醫院創設天津歷有年所其治療病症無不立時奏功是以屢蒙官仕紳商推許奏譽遠近周知茲因北洋官醫局之聘除星期外每日早十點鐘起至午十二點鐘在官醫局視病其餘時刻仍在本院候診茲將改訂時刻開列於後 一每日自早八點鐘至十點鐘在本院診視過時即赴官醫局午後歸院照舊診視至五點鐘應聘出診惟星期則整日在院 二凡遇有重要病症除往官醫局時刻外隨時皆可出診不拘時限或有應剖割病症隨時來院均可註治 三本醫出診除應收醫金外概不多取如有車夫索費等弊請即告知本院斥辦 四凡來病院取藥者無論何時皆可配給 五本醫院備有潔淨養症室上等二間次等五間三等五間看護周到飲食一切或有自備或囑院備悉聽尊便醫院仍在日本租界海光寺東馬路德律風一百九十三號 本醫院特白

日本最近政學調查記廣告

近來游歷日本冠蓋相望日記一書浩如煙海求其見聞確實鈎玄纂要者每不多觀膠州達

馥齋觀察承項城袁樞相之命赴東攷察政治游歷匝年於政治議會察裁判

監獄軍事學務農林漁業鐵道銀行無不各有心得洞見源流是以載筆成書原原

本本網羅無遺復經日本大隈伯爵高田博士贈以序文推其典麗翔實得未曾有自

嘉應黃氏之日本國志德清傅氏之日本圖經外得此而二久為各當道稱許現當

預備立憲時代有欲研笈政學者乎曷手一篇耶所印無多賜顧者請速購為盼

寄售處

天津河北獅子林北洋官報局
新考工場內路南教育圖書局

及各大書坊

定價大洋一元四角



本行開設天津上海香港志呢華海參歲等處均設立有年諸班貨物由外洋本機器廠自造磁
蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表練金鑲珠寶
鑽石戒指耳墜鐲子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡

大小皮包法國洋號又新到轉盤換調話匣八音盒價格外從廉仕宦官商光顧者請移玉紫竹林法租界本
行面議可也本行主人啟



本號開設(北京前門外鮮魚口)(天津估衣街中間路北)(山東濟南府院西路北)等處
自置綢緞洋貨願繡粧蟒花素貢絨絨緞各色抖蓬哈叻厚呢以及京廣什貨織絨綫貨各色
俱全貨高價廉劃一不二中外紳商賜顧移玉是幸
瑞林祥元記具

京張鐵路局廣告

啓者本路現值年假定於正月初一日停車一日初二至初八此七日內祇開第一二三四五六次車京門枝路祇
開第七八次車如有貨物必須裝運者臨時酌開專車以免延悞初九日起以後照常行車特此佈告

胃疾者鑒○鎮海范冕卿先生自述胃氣及頭痛之症為韋廉士大醫生紅色補丸所醫治 胃部不正則失其消
 化之功而全體漸致受累百病因之叢生矣即如 頭風疼痛 胃膈漲悶 大便閉結 飲食無味 頭目暈眩
 夜不成寐 身體柔弱 四肢乏力等症皆由胃部失調所致也○每有人因受胃弱之苦而欲以瀉藥治之此
 誠愚拙無用之法也蓋瀉藥雖能稍愈於一時究不能全愈其終身現多用瀉藥傷損元神削伐臟腑轉使一切消

調胃止痛健身良藥



已名馳環球為天下公認之聖藥可治 風濕骨痛 腎臟酸痛 骨節疼痛 筋絡刺痛 胸膈飽悶 氣血兩
 虧 諸虛百損 少年貪老 陽痿不舉 左癱右瘓 腳氣衝心 山林瘴氣 瘡疥斑疹 皮膚諸症以及少
 壯婦女月信不調經來腹痛等症實為濟世之良劑也 中國各處藥局商店均有代售或直向上海九江路B字
 第八號 韋廉士大醫生藥局中國總發行處購買亦可 價銀每六樽大洋八元 每一樽大洋一元五角 遠近
 郵費一律不取

化之部皆為軟弱○故最要之藥必須先調其胃使胃有新力能去其羸弱之阻
 礙又須滋補其血使血潔淨有力更生新血以健肌膚如此則全身消化部之筋
 絡自必活潑有力矣韋廉士大醫生紅色補丸為清補之聖藥久已名馳大陸其
 治 胃不消化 肝經各病 肝汁不和 頭暈頭痛 胃口失調以及各種由
 胃而生之症莫不捷於影響試觀海濱縣監理會牧師范冕卿先生自述其
 情形可使中國同病之人咸知是丸之益焉茲將其保證書錄後云○余四年前
 曾患胃氣頭痛之症睡不安甯脾胃虛弱消化之功甚劣雖食物少許亦必翻胃
 每發時甚為痛苦夜間常有數句鐘之久不能成寐自覺體弱無力面色發黃頭
 痛難忍余為此疾傳道之時時時停止未能盡職纏綿數載醫藥罔效後承友人
 指示韋廉士大醫生紅色補丸之功遂立意試服纏綿數載醫藥罔效後承友人
 第三瓶則宿疾全消痛苦皆止身亦不覺軟弱從此睡夢安甯食量增進消化之
 功亦佳面容光澤轉色矣余疾之瘳可謂獲賴韋廉士大醫生紅色補丸之功也
 請登諸報以為世告○韋廉士大醫生紅色補丸醫治數千萬如范君之病外而

本日 田村洋行

本行開設天津日本租界溜米廠專辦東洋軋花彈花紡線織布能織寬窄粗細各樣洋布
 如有貴商賜顧者來本行面議將價定準本行特請洋教習管保教通在本行學習食用外
 邊自便住房分文不取 電話二百三十號 本行謹啓

欲為諮議局議員者驗

總發行所 上海商務印書館分設

京師 天津 太原 成都 漢口 福州
奉天 濟南 開封 重慶 長沙 廣州

今年九月各省開辦諮議局 議員責任綦重 非研究有素 臨時必至周章 故凡為議員者 第一須知普通政法之學理 第二須知立憲制度之精神 第三須知地方自治之組織 第四須知會議決議之方法 本館所出政法書百餘種 茲選其尤簡要而又有合於斯四者 分別列目 幸垂鑒焉

◎普通政法書 法學通論一元 法制經濟通論二元 政法理財講義五角 日本法制要旨一元 日本明治法制史五角 政治講義五角 法律經濟辭典(布面七角 紙面五角) 法規大全解字四角

◎憲法書 政治學及比較憲法論二元 憲法研究書一元 憲政論五角 日本憲法義解三角 日本預備立憲過去事實五分 立憲國民讀本三角

◎議會書 日本議會法規四角 議會政論五角 十六國議院典例一元 日本議員必攜八角

◎地方自治書 自治論七角 歐洲大陸市政論一元 地方自治財政論三角 地方自治淺說三角 此外政法書 之尤重要者

◎法律 日本法規大全 日本六法全書五角 比較國法學七角 國法學一元 行政法汎論五角 行政法各論六角 民法原論二元 日本列國政要定價十元 政治學一元 那特磴政治學四角 政治汎論一元二角 萬國國力比較 六册定價 嚴復社會通詮一元 嚴復羣學 肆言一元 嚴復羣己權界論八角

◎財政 有經濟通論七角 理財新義五分 英國度支考 四國債論三角 計學教科書一元 理財學講義四角 計學淺訓五分

◎教育 有日本明治學制沿革 史五元 歐美教育實際二元 德國學校制度四角

◎警察 警察講義錄十四册 雖卷帙較繁 議員苟有餘力而兼治之 則受益無窮矣

◎諮議局章程 箋釋四角 諮議局章程要義五分 諮議局調查須知五分 諮議局選舉須知一角 諮議局章程表解三分 尤人人所必讀 無待贅言也 (河北大胡同電話五百二十六號)

天津商務印書館廣告